

বাংলাদেশের অভ্যন্তরে ঢুকে ৫ বাংলাদেশিকে পিটিয়েছে বিএসএফ

প্রকাশ : ২ ডিসেম্বর, ২০১৫ ১৫:৩৬
আপডেট : ২ ডিসেম্বর, ২০১৫ ১৫:৪৫

সাতক্ষীরার কলারোয়া উপজেলার গোয়ালপাড়া সীমান্তে বাংলাদেশের অভ্যন্তরে ঢুকে ৫ বাংলাদেশিকে পিটিয়ে আহত করেছে ভারতীয় সীমান্তরক্ষী বাহিনীর (বিএসএফ)। বুধবার ভোরে এ ঘটনা ঘটে। তবে বিজিবির পক্ষে থেকে দু'জন আহত হওয়ার কথা দাবি করা হয়েছে।

স্থানীয়রা জানান, ভোরে ভারত থেকে গরু নিয়ে আসার সময় ভারতের গোবরা ক্যাম্পের বিএসএফ সদস্যরা কয়েকজন ভারতীয় গরু ব্যবসায়ীকে ধাওয়া করে। এক পর্যায়ে তারা ভারতীয় সীমান্ত অতিক্রম করে বাংলাদেশে ঢুকে পড়ে। এ সময় বিএসএফ সদস্যরাও তাদের সীমান্ত অতিক্রম করে বাংলাদেশ সীমান্তে ঢুকে গোয়ালপাড়া এলাকায় পটল ক্ষেতে কর্মরত ওই ৫ বাংলাদেশিকে মারধর করে এবং দুই রাউন্ড ফাকা গুলি ছোঁড়ে। এতে ওই পাঁচ বাংলাদেশি কম-বেশি আহত হয়।

পরে স্থানীয় এলাকাবাসী ও বিজিবি একত্রিত হয়ে বিএসএফ সদস্যদের ধাওয়া করলে তারা পালিয়ে যায়।